

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საია გამგებლის მოადგილის - ბესო გაბდელიანის სამართლებრივ პასუხისგებაში მიცემას ითხოვს

საია ეხმაურება სხვადასხვა ტელეკომპანიის ეთერით გავრცელებულ [ვიდეომასალას](#) , სადაც ნათლად ჩანს, როგორ აყენებს ფიზიკურ შეურაცხყოფას ქალაქ თბილისის ისანი-სამგორის რაიონის გამგებლის მოადგილე, ბესო გაბდელიანი ორთაჭალაში შეკრებილ მოქალაქეებსა და ერთ-ერთი ოპოზიციური პარტიის აქტივისტებს, რომლებიც

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



აკრიტიკებდნენ ხელისუფლების მიერ გატარებულ ღონისძიებებს თბილისში მომხდარ წყალდიდობასთან დაკავშირებით. კადრებიდან ჩანს, რომ ჩხუბის ინიცირება ხდება სწორედ ბესო გაბდელიანის მიერ.

ვიდეომასალიდან იკვეთება დანაშაულის ნიშნები. იმის გათვალისწინებით, რომ ცემის ამსახველი ვიდეომასალა გავიდა რამდენიმე ტელეკომპანიის ეთერში, კომპეტენტური საგამოძიებო ორგანოები ვალდებული არიან, სისხლის სამართლის საპროცესო კოდექსის 101-ე მუხლის თანახმად, დაიწყონ გამოძიება.

საია განსაკუთრებით შეშფოთებულია ბესო გაბდელიანის ქმედებასთან დაკავშირებით ქალაქ თბილისის მერიის მიერ გაკეთებული განცხადებით. მერია ძირითად აქცენტს მოქალაქეთა ქმედებაზე აკეთებს და აცხადებს, რომ მათ „პერსონალური შეურაცხყოფა“ მიაყენეს ბესო გაბდელიანს. ტელეკომპანიების ეთერით გავრცელებული [ვიდეომასალიდან](#) მოქალაქეთა მიერ გამგებლის მოადგილისათვის შეურაცხყოფის მიყენების ფაქტი არ დასტურდება. ერთ-ერთი მოქალაქე ბესო გაბდელიანს მიმართავს შემდეგი სიტყვებით: „შენი პრეზიდენტი სად იყო ... ფეხბურთის საყურებლად. პანაშვიდზე უნდა ყოფილიყო ... აი, ფეხებზე რომ გკიდიათ ყველას ... ნაციონალები რომ ხართ.“ აღნიშნული გამონათქვამი შეიცავს ხელისუფლების წარმომადგენელთა ქმედებების საჯარო კრიტიკას. საია თბილისის მერიას და ისანი-სამგორის რაიონის გამგებლის მოადგილეს შეახსენებს, რომ ადამიანის უფლებათა ევროპულმა სასამართლომ არაერთხელ განაცხადა: „გამოხატვის თავისუფლებით დაცულია არა მხოლოდ ისეთი გამონათქვამი, რომელსაც საზოგადოება ნეიტრალურად აღიქვამს, არამედ ისეთი განცხადებებიც, რომლებიც შოკისმომგვრელი, ამაღელვებელი და შეურაცხმყოფელია საზოგადოებისა ან მისი განსაზღვრული ნაწილისათვის.“ გამოხატვის თავისუფლების ფარგლები განსაკუთრებით დაცულია მაშინ, როცა კრიტიკის ობიექტი ხელისუფლებაა.

მერიის განცხადებაში აღნიშნულია, რომ მას გაუმართლებლად მიაჩნია ბესო გაბდელიანის ქმედება და მერიის ყველა თანამშრომელს თავშეკავებისაკენ მოუწოდებს. გვსურს, მერიას შევახსენოთ, რომ მაშინ როდესაც, საჯარო მოხელე ჩართულია ძალადობის აქტში, მერიას მოეთხოვება უფრო მეტი, ვიდრე ასეთი ქმედების „გაუმართლებლად“ მიჩნევა. „საჯარო სამსახურის შესახებ“ საქართველოს კანონის 78-ე მუხლის პირველი პუნქტის „გ“ ქვეპუნქტის შესაბამისად, დისციპლინურ გადაცდომას წარმოადგენს ზოგადზნეობრივი ნორმების წინააღმდეგ ან მოხელისა და დაწესებულების დისკრედიტაციისაკენ მიმართული უღირსი საქციელი (ბრალეული ქმედება), განურჩევლად იმისა, სამსახურშია ჩადენილი თუ მის გარეთ. ბესო გაბდელიანის ქმედება აშკარად ჯდება ზოგადზნეობრივი ნორმის

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საინააღმდეგო და მერიის დისკრედიტაციისკენ მიმართული საქციელის განსაზღვრებაში, რაც, „საჯარო სამსახურის შესახებ“ საქართველოს კანონის 79-ე მუხლის თანახმად, წარმოშობს უშუალოდ თბილისის მერის ვალდებულებას, დააკისროს ბესო გაბდელიანს დისციპლინური პასუხისმგებლობა.

საია მოუწოდებს საგამოძიებო ორგანოებს, მედიაში გავრცელებულ ფაქტზე დაინციონ წინასწარი გამოძიება. თუკი დადგინდება, რომ ბესო გაბდელიანის ქმედება არ შეიცავს დანაშაულის ნიშნებს, მოვუწოდებთ თბილისის მერს - გამოიყენოს დისციპლინური პასუხისმგებლობის ზომა ბესო გაბდელიანის მიმართ.